


漢書門			
類	號	函	架
二	五	八	六
一	〇	九	一
六	二	冊	冊

內閣文庫			
類	號	冊	函
二	五	八	六
一	〇	九	一
六	二	冊	冊


內閣文庫			
番號	漢	11586	
冊數	62 ( 4 )		
函號	274	82	











禮樂原始統紀二

夏禹定九州田賦常誓之貢始用寅正作小正書

君臣皆珮玉始作箴神龜負文列於背有數

自一至九因第為洪範九疇始立甸侯綏要荒

五服每服五百里導水通瀆刻石書名山之高

作世室儀狄作酒制五綵之服為銘於箕

箴日告寡人以道者擊鼓以義者擊鍾以事者振

鐸以憂者擊磬以獄者揮鞞制五等爵三等受

地初作葦茭為祈禳之始殷以螺首周以桃梗



本此。立尸而卒祭。小祥以前。主用桑。既練。易之。遂藏之廟。以爲祭主。立井。甸之法。六十四井。爲甸。甸方八里。居一成之中。成方十里。出兵車一乘。以爲賦法。一井。上上出九夫稅。上中八夫。上下七。上中六。中中五。中下四。下上三。下中二。下下出一夫稅。登會稽。海神來朝。有抹額。抹額者。軍容也。仲春。上丁。命樂正習舞。釋菜。丁。取文明之意。以歷山之金鑄幣。作母追。長七寸。高四寸。制如覆杯。前高廣。後卑銳。

啓召六卿。有扈氏大戰於甘。作甘誓。享諸侯於鈞

臺。適人以木鐸。徇於路。

太康畋於洛表。后羿距之於河。爲篡臣之始。寒浞

使其子澆殺夏后相。后緡方娠。逃出自竇。歸於有仍。爲弑君之始。

少康滅澆于過。后杼滅豷于戈。復禹績。爲復國之始。封庶子於越。號曰無余。春秋祀禹墓於會稽。爲守陵之始。

履癸始爲瓊宮瑤臺。求四方美女。積之後宮。作爛



漫之樂。為女樂之始。

商湯聘伊尹於有莘。為聘召處士之始。放桀於南

巢。為以臣伐君之始。作誥。大旱七年。以身為

犧牲。禱桑林之野。以六事自責。為禱雨之始。公

田籍而不稅。作土龍。十國以為連。連有師。

初作囿。取禽獸以奉宗廟。改丑為正朔。易服色。

尚白。築五庫。藏五兵。定朝會以晝。命伊尹

為草屨。立天官。先六太。曰太宰。太宗。太史。太祝。

太士。太卜。典司六典。立五官。曰司徒。司馬。司空。司

士。司寇。典司五衆。立六工。曰土工。金工。木工。石

工。獸工。草工。典司六材。立六府。曰司土。司水。司

草。司噐。司貨。典司六職。

太甲以伊尹為保衡。百官總已。以聽冢宰。為大臣

攝政之始。嗣王不惠於阿衡。伊尹作書三篇。陳

戒於王。為人臣上書之始。以冕服奉嗣王歸於

亳。為免喪復辟之始。伊尹既復政。厥辟乃告歸。

為大臣求退之始。

仲丁遷都於囂。為遷國之始。



盤庚改商為殷。自古無有改國號者。此古今一見。大裕合毀廟之主。與未毀廟之主。皆合食太祖。

陽甲始廢嫡立庶。

祖乙宅憂亮陰三年。 夢帝賚良弼。以象旁求。得傅

說於版築。

武丁章服多用翟羽。

帝乙命季歷為牧師。為馬政之始。 立季子辛為王。

為以嫡不以長之始。

紂始為象箸。 以紅藍花汁凝作脂。名曰臙脂。作桃

紅粧。造鉛粉。 使師延為北里之舞。靡靡之樂。作

筓篲。

周文王忌日必哀。 為世子朝於王季日三。 用平

土法。以為治人之道。地著為本。故建司馬法。交尺


為步。步百為畝。畝百為夫。夫三為屋。屋三為井。井

十為通。通十為成。成十為終。終十為同。同方百里。

同十為封。封十為畿。畿方千里。民受田。上田夫百

畝。中田夫二百畝。下田夫三百畝。歲耕種者為不

易。上田休一歲者為一易。中田休二歲者為再易。





下田三歲更耕之。自爰其處。農民戶人已受田。其家衆男爲餘夫。亦以口受田。如此士工商家受田五口。乃當農夫一人。此謂平土可以爲法者也。若山林藪澤原陵淳鹵之地。各以肥磽多少爲差。民年二十受田。六十歸田。七十以上。上所養也。十歲以下。上所長也。親迎于渭。造舟爲浮梁。教世子必有禮樂。立太傅少傅以養之。太傅在前。少傅在後。入則有保。出則有師。

武王大會於孟津。命蒼兕具舟楫。爲水戰之始。立

七十一國。封兄弟之國十五人。姬姓之國四十人。封黃帝之後于剡。堯之後于祝。舜之後于陳。夏之後于杞。殷之後于宋。封尚父于齊。封周公于魯。封召公于燕。皆畱內相。諸侯不之國見此。周公太公啓制文王之謚。始定謚法。祀太廟。始定事先之禮。諱名立謚。賤不諱貴。幼不諱長。惟天子稱天。以諫之。諸侯不得相諫。諫始此。孟春躬耕籍田。郊祀后稷以配天。宗祀文王於明堂以配上帝。立六宮三夫人九嬪二十七世婦八十一



御妻。命上公九卿為伯。其宮室車旗衣服禮儀。皆以九為節。諸侯之伯七命。其宮室車旗衣服禮儀。皆以七為節。子男五命。其宮室車旗衣服禮儀。皆以五為節。王之三公八命。卿六命。大夫四命。其封皆加一等。禮儀亦如之。封紂子武庚為殷侯。立亡天下者之後。僅見此。太公望作曲蓋。成王立太師太保為三公。少師少傅少保為三孤。立天官邦治之屬六十三。地官邦教之屬七十八。春官邦禮之屬七十。夏官邦政之屬七十。秋

官邦禁之屬六十六。冬官考工之屬三十。遷民。太公立九府圜法。黃金方寸為重一斤。錢圜函方。輕重以銖。布帛廣二尺二寸為幅。長四丈為疋。故貨寶於金。利於刀。流於泉。布於布。束於帛。成王十五而冠。筮日筮賓。冠委貌於阼。三加彌尊。裸享樂於廟。周公命史雍頌。王為羣姓立社曰太社。自為立社曰王社。諸侯為百姓立社曰國社。自立社曰侯社。大夫以下成羣立社曰置社。王自立七祀為庶姓立七祀。諸侯為國立五祀為庶人



立一祀。用中士奠世繫。修玉牒。邦國三歲稽士任而進退。其爵祿爲銓選之始。宰夫書其賢者良者以告於王。爲貢舉之始。太樂正論造士之秀者以告于王。而升諸司馬。爲進士之始。制諸侯學曰類宮。釋奠于先老。設五更三老席位。大胥掌學士之版。致諸子春入學。釋菜合舞。設柱下史。闈人掌守王宮。凡內人公器賓客及命夫命婦。幾其出入。設門燎。蹕宮門。寺人掌女宮戒令。相道出入事而糾之。佐世婦治禮事。內豎未冠者掌內

外通令。此爲闈寺之始。庶子國士之倅。凡在版者許宿衛。女史女奴曉書者。詔后治內政。小司徒凡起役。毋過家一人。田役至此始見。凌人藏冰。卿大夫三年則大比。考其道德行藝。大司徒掌人民之數。小司寇大比登民數。自生齒以上登天府。爲戶口之始。雞人夜嘑。旦以蹕百官。采文王之世。風化民俗。詩被管絃。爲房中之樂。仲春詔后。帥外內命婦治蠶于北郊。爲祭服。州長掌州之教治政令。黨正掌黨之政令。教治族



師掌族之戒令政事。閭胥掌閭之徵令。比長掌比之治。後之保甲里正始此。媒氏凡男女自成名以上皆書年月日名。冬至日祀天於地上之圓丘。夏至日禮地祇於澤中之方丘。祭用二至日始此。以柴祀日月星辰。日壇曰王宮。月壇曰夜明。以禋燎祀司中司命風師雨師。以血祭五祀五嶽。以狸沈祭山林川澤。仲秋之月祭歲星於國之東南。建巳月大雩。五方上帝。其壇曰雩宗。冠禮筮日筮賓。冠於阼。醮於客位。三加彌尊。已冠而字。

宗族百世婚姻不通。諸侯五廟。大夫三廟。適士二廟。官師一廟。庶人祭於寢。制玉輅。金輅象輅。革輅木輅。九命一受職。再受服。三受位。四受器。五賜則。六賜官。七賜國。八作牧。九作伯。爲九錫之始。以蒼璧禮天。以黃琮禮地。以青圭禮東方。以赤璋禮南方。以白琥禮西方。以玄璜禮北方。皆有牲幣。各放其器之色。爲薦玉之始。歲三田。變國火以救時疾。送邦國之通賓。以路節達四方。舍則授館。行人持節。山國用虎節。土國人節。澤



國龍節。以金爲之。道路旌節。門關符節。都鄙管節。以竹爲之。邦之大事。門外墳燭。門內庭燎。馬三乘曰皂。三皂爲繫。六繫爲廐。天子十二閑。邦國六閑。稱廐稱皂。稱閑始此。天子六軍。其將皆命卿。黨正以禮屬民。飲酒於序。以正齒位。爲鄉飲之始。投壺。民有罪。役諸司空。徒始此。囚者上罪梏拳而桎。中罪桎梏。下罪梏。桎梏始此。諸侯有四夷之功。獻捷於王。王以警于夷。中國則否。諸侯不相遺俘。獻俘始此。方相氏蒙熊及黃金。

四日。玄衣朱裳。執干揚盾。帥百隸而時儼。以橐室。毆疫。大喪先匱。及墓入壙。以戈擊四隅。歐方良。儼始此。出警入蹕。春祭馬祖。執駒。夏祭先牧。頒馬攻牧。特秋祭馬社。臧僕。冬祭馬步。獻馬講馭。夫祭馬祖始此。八議一議親。二議故。三議賢。四議能。五議功。六議貴。七議勤。八議賓。禁宵行夜遊。巡市。三赦一幼弱。二老眊。三蠢愚。行十二荒政。息國服。縣令掌縣之政令。徵比。縣名始此。國里之道。十里有廬。三十里有宿。宿有路室。



室有委。五十里有市。市有候館。土圭致日影。大喪共銘旌。建廡車之旌。以秬鬯二鹵。命寧周公為賜酒之始。囚蔡叔于郭隣。降霍叔于庶人。為處置親藩之始。賜越裳氏駢車。為賞賜外國之始。立東宮西宮。卜洛興兩都之制。將建諸侯。鑿取其方一面之土。苞以黃土。苴以白茅。以為土封。立五宮。太廟宗宮考宮路寢明堂。咸有四阿。反玷。重元。重廊。重常。復格。藻稅。移旅。盈。春。常。畫。內。堦。玄。陛。堤。塘。山。廡。應。門。庫。臺。玄。間。以。墨。石。為。

門限。作洛陽城。百步有一樓櫓。建大社於國中。其疆土象五方色。史佚有子而歿。下殤也。墓遠。召公曰。何以不棺殮於宮中。曰。吾敢乎哉。召公言於周公。公曰。豈不可。史佚行之。為下殤。用衣棺之始。歲造軒輜。使者求異代方言。還奏籍之。藏于密室。

穆王時。尹軌真人置草樓觀。召幽逸人居之。始稱道士。偃師為木人能歌舞。王與盛姬觀之。舞終。木人瞬目。以手招王左右。王怒。欲殺偃師。師懼。壞之。



皆丹墨膠漆所為。為傀儡之始。天子東遊黃澤。使宮樂作辭曰。皇之陀。其馬歎沙。皇人威儀。皇之澤。其馬歎玉。皇人壽穀。為辭之始。天子觴西王母于瑤池上。王母為白雲謠。

孝王命非子主馬汧渭之間。馬大蕃息。王封為附庸君。邑於秦。為開秦之始。

夷王時。楚熊渠立長子康為句亶王。紅為鄂王。為諸侯號王之始。始下堂而見諸侯。

厲王使衛巫監謗。以告則殺之。為殺誹謗之始。

宣王使紀渚子養鬪雞。為戲之始。衛世子共伯蚤

死。其妻守義。父母欲奪而嫁之。誓而弗許。作栢舟

詩以絕之。節婦見經傳者。自共姜始。立先妣之

廟祀。姜嫄特祀始此。殺大夫杜伯不辜。左孺爭

之。曰。君順友逆。則違友以從君。友順君逆。則違君

以從友。因歿之。歿友自左孺始。

幽王以裒姒之譖。廢申后。及太子宜臼。廢后廢太子始此。以裒姒為后。其子伯服為太子。復立后立太子始此。王欲殺太子宜臼。求之于申。申侯弗予。



王伐之。申侯與鄩人召西夷犬戎伐王。殺王於驪山下。借夷兵始此。

平王時鄭伯克段于鄩。寘其母姜氏於城穎。幽母遷父始此。宋穆公疾。召大司馬孔父屬立宣公之子與夷。使公子馮出居於鄭。不立子而立弟。宋公齊侯衛侯盟於瓦屋。諸侯始參盟。衛先公殺其二子伋壽。伋子婦。古今一大變。

莊公時秦夷三父族。改葬桓王。宋萬弑其君閔。及其大夫仇牧。宋人立公子御說。萬奔陳。宋人醢

之。

僖王時齊侯。宋人。陳人。蔡人。邾人。會於北杏。以諸侯而主天下會盟之政。自北杏始。秦武公葬平陽。以人從葬。後繆公以三良殉。從者百七十人。此為流禍。楚人修好諸侯。使人入獻天子。天子賜胙。曰鎮爾南方。夷越之亂。無侵中國。魯侯逆姜氏于齊。使宗婦覲用幣。

襄王時秦歸晉君夷吾。夷吾獻其河西地。使太子圉為質于秦。孟莊子作鋸鑿。齊桓公以諸侯僭



天子百燎。故曰庭燎之百。自桓公始。管仲遇盜。取二人焉。上以為公臣。仲死。桓公使為之服。宦於大夫者之為服也。自管仲始。齊桓公亟舉兵。作偽主以行。及反。藏之祖廟。廟有二主。自桓公始。管仲正鹽筴。漢桑弘羊孔僅。唐劉晏。鹽法愈精。本此。魯昭公娶吳為同姓。不敢告天子。天子亦不命之。夫人不命於天子。自昭公始。陽侯因祭。殺繆侯而竊其夫人。大饗廢夫人之禮。自二侯始。景王鑄大錢。始有文曰寶。景王后崩。謚穆。婦人有

謚始此。

靈王時。單子。晉公。魯侯。衛侯。鄭伯。莒子。邾子。齊世子。光。同盟於雞澤。陳侯使袁僑如會。諸侯之大夫及袁僑盟。諸侯在而大夫盟始此。三桓享君以饗禮。大夫享君非禮也。由三桓始。魏絳陳和戎五利。晉侯乃使魏絳盟諸戎。和戎始此。敬王時。孔子觀明堂。見四門牖。有周公相成王抱之負扆。南面朝諸侯之圖。圖繪功臣。古已有之。魯昭公有慈母而愛之。死為之練冠。練冠而喪慈母。



自昭公始。魯哀公用田賦。始履畝均分。季札葬孔子。題其墓曰。嗚呼。吳延陵季子之墓。題墓始此。魯三家立桓公廟。公廟設於私家。非禮也。自三桓始。季康子朝服以縞。元王時。蜀聘秦。始通道。齊黔婁終身不仕。死而其妻謚之曰康。庶人有謚。黔婁始之。威烈王時。智伯攻襄子。決汾水灌晉陽。城不浸者三板。水攻始此。趙文子燕射。奏肆夏。大夫奏肆夏。始此。司馬穰苴始請莊賈為監軍。晉獻公初

作二軍。公將上軍。西門豹引漳水溉鄴。以富魏之河內。水利始興。李悝曰。善平糴者。必謹視歲。有上中下熟。上熟則糴三而舍一。中熟則糴二。下熟則糴一。使民適足。價平則止。小饑則發。平糴始此。秦初租禾。秦初令人帶劔。齊烹阿大夫。始有鼎鑊之刑。衛侯預賜北宮子謚曰貞子。賜柝朱鉏。謚曰成子。始有生謚。齊為門第。康莊之衢。尊寵列大夫。賜宅第始此。顯王時。秦廢井田。開阡陌。始封公孫鞅為商君。



禮樂合編 卷之二  
赧王時。齊威宣燕昭使人入海。求蓬萊方丈瀛洲。始有三神山之名。趙王以趙括爲將擊秦。括敗兵降秦。白起挾詐坑四十萬人。殺降始此。趙武靈王服胡服騎射。秦賜白起劔於杜郵。始有賜死之制。楚屈原作離騷二十五篇。爲賦之始。秦惠文王十四年。更爲元年。爲改元之始。秦莊襄王以所養母華陽夫人爲華陽太后。稱太后始此。秦有口賦。秦加其武將首爲絳帟以表貴賤。其後作顏題。爲幘之始。

禮樂原始統紀三

秦始皇併諸侯。大赦天下。卽位大赦始此。始稱皇帝。稱后曰皇后。太子之正嫡稱妃。分天下爲三十六郡。郡置一守一丞兩尉。立監察御史掌諸郡。始徙豪富於咸陽。製受命璽。其文曰受命於天。旣壽永昌。是後得璽。以爲真有受命之符。無璽目爲白版天子。始稱制。稱詔。稱朕。除謚法。以謚法是使子議父。臣議君。故除之。以貂蟬賜侍中。追尊其考莊襄王爲太上皇。焚燒先典。



廢古文。更用八體。一曰大篆。周宣王史籀所作。二曰小篆。李斯趙高胡毋敬所作。大小篆並簡冊所用。三曰刻符。施於符篆。四曰摹印。施於印璽。五日蟲書。爲蟲鳥之形。施於幡信。六曰署書。門題所用。七日殳書。銘於戈戟。八曰隸書。程邈所定。行公府。初置郎中令。其屬官有三署。主官中郎將。左中郎將。右中郎將。署中有郎中侍郎。其員多至千人。分隸三署。主執戟侍宮殿。出則充車騎。設尚書主殿中發書。僕射領射事。謁者主通事。奉常典禮。

中庶子詹事爲宮僚。都水長掌河道。黃門侍郎中常侍出入禁中。衛尉掌門衛屯兵。諫大夫掌論議。御史大夫掌副丞相。御史中丞掌二大夫。治粟內史掌穀貨。少府掌山澤稅。祠鄒嶧山。始刻石頌功德。封泰山。禪梁父。賦鹽鐵二十倍於古。遣方士徐市等請童男女入海求三神山。不效。藥行半兩錢。王次仲制八分書。始作前殿。上可坐萬人。下可建五丈旗。焚書。使黔首自實田。令百姓納粟一千石。拜爵一級。伐匈奴。使



天下飛芻輓粟。起於黃腫瑯琊負海之郡。轉輸北河。率三十鍾而致一石。初開南越閩中地為郡。收匈奴河南地為縣。築萬里長城。沙門室利房等至。囚之。夜有金人破戶以出。時已有佛。出長子扶蘇監軍于邊。蒙恬造筆。作極廟。生廟始此。置大駕屬車八十一乘。法駕半之。左右分行。其車皆阜蓋赤裒朱轡。戈矛弩箠。尚書御史所載。最後一乘懸豹尾。豹尾以前為省中。鹵簿之盛始此。為馳道廣五十步三丈。厚築其外。隱

以金椎。植以青松。葬驪山下。錮三泉。藏奇器珍怪。令匠作機弩。有穿近者輒射之。上具天文。下具地理。工匠為機者皆閉墓中。令後宮無子者皆殉。起寢殿於墓側。趙高立少子胡亥為太子。為萬世宦者擅立儲君之始。二世皇帝發閭左戌。戌邊始此。以宦者趙高為中丞相。為闔豎輔相之始。趙高弒其主胡亥。立子嬰。為闔豎弒逆之始。夷李斯三族。前有族誅。此及三族。項籍屠咸陽。殺子嬰。掘始皇塚。屠城發塚。



如此。

漢高祖更王后曰皇后。王太子曰皇太子。尊母曰昭靈夫人。立黑帝祠。命曰北時。蕭何收巴蜀租給軍食。始築甬道。初爲筭賦。民年十五出口賦。詔列侯食邑者賜大第室。吏二千石受小第室。甲第始此。始命天下縣邑城。封項籍族屬四人爲列侯。賜姓劉。又賜婁敬。又賜匈奴劉淵。燕王臧荼反。帝自將擊之。人君自將始此。剖符封功臣曹參等爲通侯。又與功臣作誓。丹書鐵契。

藏之宗廟。賜券始此。分封宗室爲王。尊父太公爲太上皇。置酒未央宮上壽。以陳平爲護軍中尉。置別駕。治中主簿。功曹書佐。簿曹史典等官。皆州自辟除。通爲百石。徵魯諸生起朝儀。博士叔孫通采古禮雜秦儀上之。行朝歲首禮。爲後世元旦朝賀之始。朝賀畢。置法酒。坐殿上。以尊卑次起上壽。觴九行。爲賜宴之始。御史執法舉不如儀者。爲糾儀之始。命蕭何定律令。約法三章。定命令稱勅。詔讞疑獄。漢儀宮城門擊刁斗。



周廬擊木鐸。太子門大夫庶子洗馬。皆屬二傅。太子家令丞率更令丞僕中盾衛率等官。並屬詹事。皇女封縣公主。儀服同列侯。其尊崇者號長公主。儀服同藩王。女曰公主。姊妹曰長公主。以太牢祠孔子於曲阜。為萬世祀先師之始。詔郡國求遺賢。令郡國縣立靈星祠。令縣以春三月臘祀社稷。令民里社。各自以財祠。輿駕有象車。鼓吹十三人中道黃屋左纛。太上皇崩。令諸侯王國皆立廟。以叔孫通為太子太傅。賜蕭相

贊拜不名。履劔上殿。置大長秋。中長秋。諸宦官屬焉。徙齊諸田。楚昭屈景。燕趙韓魏。後及豪傑名家。居關中。徙民實京師。始此。有更賦三品。卒更踐更。過更。以沛為湯沐邑。復其民。世世無徭役。以周昌為趙王如意相。為諸侯王立相。始此。葬長陵。帝王陵寢。有石麟辟邪。兕虎之屬。人臣墓。有石人羊虎之屬。稱陵。始此。與匈奴結和親。以長公主娶單于。惠帝尊母后曰皇太后。令民買爵贖罪。賜民爵



戶一級。舉孝弟力田。令女子年十五以上。至三十不嫁。五算。除挾書律。書始出。立原廟。再立日原。取櫻桃獻宗廟。始置左右丞相。以王陵爲右丞相。陳平爲左丞相。以周勃爲太尉。太后呂氏立。所名帝子爲皇帝。爲後世立假子之始。太后臨朝稱制。爲母氏臨朝之始。追尊其父爲宣王。兄澤爲悼武王。爲尊崇外戚之始。太后以嬖臣審食其爲左丞相。監宮中。爲寵任嬖倖之始。魯元公主薨。賜謚爲魯元太后。公主謚太后始見。

此立公主子張偃爲魯王。公主子封王始見。此以宦官張卿爲大謁者。受宣詔命。初令戍卒歲更。

文帝賜民酺五日。太尉周勃上天子璽於代邸。立洗馬秩六百石。令四方毋來獻。修代來功。封宋昌爲壯武侯。爲藩王入繼封臣僚之始。十一月晦。日有食之。詔求言。爲災異求言之始。舉賢良方正能直言極諫者。賈山應詔上書。吳王濞爲劉氏祭酒。祭酒之名始見。詔勸農。賜



天下今年田租之半。令列侯太夫人毋得擅徽稱。濟北王興居反。尋自殺。藩王反始此。募民徙塞下。除盜鑄錢令。始得自鑄。律吏五日一休沐。出宮人令嫁。令晁錯為太子家令。河決酸棗。始興卒塞河。始臨軒策賢良文學士。募民能輸粟及轉粟於邊者拜爵。始用薄昭為車騎將軍。命博士諸生刺六經作王制。詔更元。信新垣平候日再中之說。詔以十七年為元年。後世有一君而二元三元甚至六七元者始此。

除肉刑。墨劓剕宮大辟五者。至漢時僅有三。黥劓斬趾而已。帝感淳于公少女緹縈之言。遂以髡黥代黥。笞三百代劓。笞五百代斬趾。自是天下免斷肢體。刻肌膚之慘。令祝致敬。毋有所祈。秦有秘祝。移過於下。故禁之。匈奴寇邊。帝親勞軍。勒兵。始短喪。三年之喪。以日易月。作顧成廟。景帝尊皇太后薄氏曰太皇太后。尊高皇帝為太祖。文皇帝為太宗。廟號始見此。始三十稅一。令男子二十始傅。以給徭役。置大農令。封匈奴降



者徐盧等爲列侯。降胡封侯始此。改磔爲棄市。更減笞法。定箠令。笞法多矣。詔減三百爲二百。二百爲一百。箠長五尺。其本大一寸。末薄半寸。皆平其節。笞臂。楚王邛等重逆無道。燒公宮。帝素服避正殿。更衛尉爲中大夫。奉常爲太常。郡守爲太守。廷尉爲大理。作陽陵邑。爲後世預作壽陵之始。

武帝始置年號。曰建元。元年。改元者九十一。始微行。始置五經博士。爲博士官。置弟子五十人。

復其身。爲太學生入仕之始。初令郡國舉孝廉秀才。定三歲一郊。親祀竈。立太乙祠。以竇嬰爲丞相。爲寵任母黨之始。以後宮夫人異父弟衛青爲大中大夫。爲私任後宮親屬之始。南越遣子嬰齊入宿衛。始通西南夷犍。東夷樂浪。玄菟。南夷滇。西夷酒泉。牂牁。張掖。各置爲郡。遣張騫使西域。以衛長公主妻欒大。曰大主。帝登嵩聞山呼萬歲者三。遂爲臣祝君故事。虞初撰周說九百四十三篇。小說始此。筭商車稅物。



併稅載物之器。筭緡錢。於商賈末作。率計有緡錢二千者。出一筭。於手力所作。率計有緡錢四千者。出一筭。筭民舟車。凡民有輕車。皆出一筭。商賈倍之。船五丈以上。出一筭。匿而能告者。以半畀之。使告緡者。遍天下。始置鹽鐵官。造皮幣。禁郡國鑄錢。置均輸平準。桑弘羊爲治粟都尉。領大農。盡管天下鹽鐵。乃置大農部丞數十人。分主郡國。令遠方各以其物。漙輸京師。貴賣賤買。使萬物不得騰踊。而富商大賈無所牟大利。權酒酤。

詔行代田。以趙過爲搜粟校尉。卜式請輸錢縣官以助邊。拜爲郎中。賜爵左庶長。鄭當時請引渭穿渠。徑易漕度渠下。民田可溉。兼損漕省卒。始講漕法。徵吏民明世務。習先聖之術者。縣次續食。爲舉子傳食之始。主父偃徐樂皆以上書拜郎中。爲上書得官之始。以公孫弘爲丞相。封平津侯。爲丞相封侯之始。募人入奴婢。終身爲郎。爲以奴婢易官之始。爲太子立博望苑。使通賓客。爲太子賓客之始。始用宦者主中書。腐刑司馬遷與焉。



尊王太后母臧兒爲平原郡君。封太后微時金  
王孫家所生姊號修成縣君。郡君縣君始此。異  
姓婦人以恩澤封者曰君。比長公主。婦人始有封  
君之號。作沈命法。盜起不發覺。發覺而捕。不滿  
品者。主者皆死。以江充爲使。治巫蠱獄。大農  
令顏異下獄。以腹誹罪殺之。置婕妤。視上卿。比  
列侯。置大司馬。以寇將軍之號。寵衛青。霍去病。  
奪宰相權。置水衡都尉。掌上林苑。更大行人爲大  
鴻臚。更郎中令。名曰光祿勳。有南北司主事。更秦

中尉曰執金吾。置刺史。京兆尹。八校尉。起建章  
左鳳闕。大宛以蒲陶爲酒。馬嗜苜蓿。漢使取其  
實來。天子始種苜蓿。蒲陶。肥饒地。初遣將擊朝  
鮮。始築受降城。封周後姬嘉爲周子南君。錄  
前代後始此。匈奴渾邪王降。置五屬國。以處其  
衆。作昆明池。演水戰。立樂府。帝念李夫人  
無已。使少翁夜爲方帷。張燈燭。自帷中望見之。彷彿  
夫人。招魂始此。賜李夫人象牙簞。武帝之  
文始以集著。廟立子閔爲齊王。旦爲燕王。胥爲



禮樂志 卷之十一 五十一

廣陵土。丘仲造笛。長尺四寸七孔。築單于邸于長安。遣子來質。為四夷館之始。初通安息。發使隨漢使來。觀漢廣大。以大鳥卵及黎軒善眩人獻于漢。即後吞火。吞刀。植瓜種樹。屠人截馬。自縛自解之術。初作角觝戲。魚龍曼延之屬。公孫卿言僂人好樓居。乃令長安中作蜚廉桂觀。甘泉作益壽延壽。

昭帝追尊李夫人為孝武皇后。追尊帝生母趙氏為皇太后。封后父上官安為桑樂侯。遣使賑貸貧

民種食。罷榷酤官。猶令民自占租。徵有行義者韓福等至長安。霍光廢其君歸昌邑。為後世人臣廢立之始。遣使祀鳳凰。

宣帝追謚太父故太子據曰戾。太子大母曰戾夫人。父曰悼考。母曰悼后。立寢廟。後世自外入繼正統。追謚其本生祖父母及父母併為立廟本此。賜號外祖母博平君。張賀為掖庭令。帝以皇曾孫叔養掖庭。追封恩德侯。錄阿保功。封丙吉等為列侯。求高祖功臣子孫失侯者復其家。五日

禮樂志 卷之十一 五十一



一聽事。耿壽昌白增海租。始有魚課。丞相韋賢致仕。丞相致仕始此。大司馬大將軍博陸侯霍光卒。賜以天子葬具。帝更名詢。天子更名此始。詔自今子匿父母。妻匿夫。孫匿大父。皆勿治。衛侯馮奉世始矯制發諸國兵破莎車。蕭望之以射策甲科爲郎。自是有甲乙科。丙吉居相位。椽史有罪不案驗。後因爲故事。詔王褒等之太子宮侍太子朝夕誦讀。初置屯衛。遣後將軍趙克國擊先零叛羗屯田湟中。遣光祿大夫

義渠安國行邊。甘露降京師。年八十以上非誣告殺傷人勿坐。諫大夫王吉謝病歸。人臣托病去位始此。以宦者弘恭爲中書令。不顯爲僕射。太子以正月寇。諸王遣使行事。置金城屬國。以處降羗。司隸校尉蓋寬饒奏封事。犯時忌被殺。地震。詔舉郡國文學高第各一人。匈奴呼韓邪單于稱臣。遣弟入侍。北狄稱臣入侍始此。戴德以朋友有同道之恩。加麻三月。初置常平倉。畫功臣十一人於麒麟閣。詔諸儒講五



經同異於石渠閣。帝稱制臨決。于定國決獄平。郡中立生祠。號于公祠。詔太子得絕馳道。元帝作初陵。不置邑徒民。可爲萬世法。韋玄成議。祧主瘞於園。魏謏應埋太廟兩階間。後議藏主石室。禘祫乃祭。令男七歲去齒。乃出口錢。年二十乃筭。

成帝策免大司馬車騎將軍許嘉。此策免大臣之始。置尚書員五人。常侍曹。二千石曹。民曹。主客曹。三公曹。始用宦官。今用士人。韋玄成佯狂。讓封

其兄。令郡二千石賜告不得歸家。自馮野王始。詔光祿大夫劉向與班斿校中秘書。每進讀群書。上器其能。賜以秘書之副。定陶王康來朝。遣還國。人君未有繼嗣。畱親王之繼。次者奉藩京師。以待皇嗣生。然後遣之國。今遣之國。乃非根本之慮。立從子定陶王欣爲皇太子。立兄弟子爲嗣。始此。遣使求遺書。封婕妤趙氏父臨爲成陽侯。婕妤父封侯前此未有。以大司馬大司空並丞相爲三公。罷刺史。置州牧。師丹上書請限



民名田。大行前拜孔光為丞相。令博士弟子  
父母死。子寧三年。始定士子丁憂之制。

哀帝合葬皇太后。傳氏於孝元陵。此以妾母合葬  
大君之始。司隸鮑宣詔獄。太學諸生守闕上書  
救之。博士弟子秦景始傳浮屠經。李尋有五  
經六緯之言。讖緯始此。

平帝始定合祀天地。配以高祖高后。劉歆移太常。  
孔稚圭因有北山移文。文移始此。追謚孔子為  
哀成宣尼公。加王莽九錫。一錫車馬。再錫衣服。

三錫虎賁。四錫樂器。五錫納陛。六錫朱戶。七錫弓  
矢。八錫鈇鉞。九錫秬鬯。郡國縣鄉皆置學宮。  
以崔篆母師氏通經學百家之言。賜號義成夫人。  
夫人封號始此。

光武初起。太學親視之。徵處士嚴光至京師。臨其  
館。以讖用王梁為大司空。安定人盧芳詐稱  
漢宗室。匈奴迎立為漢帝。詔許盜相斬除罪。  
改常侍曹為吏部曹。主選舉。為吏部尚書之始。  
置督軍御史。太子疆廢為東海王。以母廢太子。



始此。南郡獻銅鼓。有銘。賜莎車王賢西域都護印綬。併賜謚。九真徼外蠻夷內屬。交趾牧率七郡太守遣使奉貢。東夷倭奴入貢。布圖識於天下。

明帝臨辟離行大射禮。令郡國行鄉飲酒禮。朝原陵。為後世上陵之始。奉皇太后如章陵。太后出幸始見。皇太后陰氏崩。上其謚曰光烈。后有謚始此。婦人從夫禮也。今日光。仍用帝謚。後世用四字二字。始去其主之謚而專稱之。召張酺數侍

講於御前。遣使者以中牢祠故臣蕭何霍光。荆州刺史郭賀有殊政。賜三公服。詔司隸刺史。歲考所部長吏殿最。為後世部使者考察屬官之始。至魯幸孔子宅。幸洛陽獄。理出囚千餘人。反支日不受章奏。帝驚曰。民廢農桑。遠近詣闕。豈容拘以禁忌。乃不忌。匈奴遣子入學。北單于求合市。許之。幸南陽。召校官弟子作雅樂奏。鹿鳴。帝自御塤箎和之。以娛嘉賓。始置中官員數。中常侍四人。小黃門十人。西域浮屠法始入。



中國西域十二月三十日。是中國正月望日。謂之大神變。帝令燒燭表佛法。永平摩騰首譯經四十二章。

章帝令班固賈逵傳毅作連珠。東巡狩。使使者奉一太牢祠帝堯於濟陰。大學生孔僖上書自訟。以爲蘭臺令史。幸大臣鄭均宅。賜尚書祿。詔定律。毋以十一月十二月報囚。杜伯度崔瑗崔實皆工草書。

和帝封宦者鄭衆爲侯。與謀誅竇憲。

安帝以災異策免三公。太后率大臣命婦謁宗廟。初聽大臣二千石刺史行三年喪。封乳母王聖爲野王君。

順帝初令三公尚書入奏事。初聽中官得以養子襲爵。尚書令左雄議改察舉法。限年四十以上。儒者試經學。文史試章奏。賜宦者孫程謚。蔡倫典尚方作紙。用故麻名麻紙。用木皮名縠紙。用故魚網名網紙。詔舉武猛任將帥者。武舉始此。質帝詔郡國舉明經。詣太學受業者。歲滿課試。拜官。



有差。自是遊學增盛。至三萬餘生。黨禍始兆。

桓帝論定策功。益封梁冀萬三千戶。又封其子弟皆

為列侯。初置秘書監官。掌圖書秘記。以宦官

單超為車騎將軍。為中官掌兵權之始。減百官


俸。賣關內侯以下官。親祀老子於濯龍宮。用

郊天樂。宦者使牢修上書。訟司隸校衛李膺。養

太學遊士。共為部黨。下膺於獄。逮其黨二百餘人。

遂策免太尉陳蕃。置鴻都門學。以處諸生。能為

靈帝立選用三五法。





尺牘詞賦。及書鳥篆者。作列肆於後宮。每郡

國貢獻。先輸中署。名為導行費。刻石縷金。載五

經文於太學講堂。已上二  
十一史





飛騨守

卷之

三十一



